

SUDSKA PRAKSA I NOVOUSVOJENI ZAKONI

NEWSLETTER



Dobrodošli!

Newsletter za februar i mart 2025. godine sadrži redovne informacije o:

- Praksi Evropskog suda za ljudska prava
- Zakonima BiH, entiteta i Brčko distrikta BiH
- Aktuelnostima

VAŽNO

Web stranica Odjela za sudsku dokumentaciju i edukaciju Sekretarijata VSTV-a BiH, koji za vas priprema i uređuje newsletter predstavlja centralno mjesto za pristup izabranim sudskim odlukama i zakonima sa izmjenama i dopunama, što značajno olakšava i ubrzava rad učesnicima u sudskom postupku.

Nosioci pravosudnih funkcija u BiH korisničke podatke za pristup zakonima i edukativnim materijalima mogu tražiti putem e-maila: osde@pravosudje.ba.

Napomena:

Link određenog zakona iz newslettera vodi do ekrana u koji trebate unijeti korisničke podatke i nakon prijave potrebno je ponovo kliknuti na link tog zakona iz newslettera kako bi se isti otvorio.



POSEBNO IZDVAJAMO

[VSTV BiH: Mapa predmeta od javnog interesa dostupna javnosti](#)


[Pripremni sastanak o radu Panela za ujednačavanje sudske prakse](#)

[Zakon o zaštiti od nasilja u porodici i nasilja prema ženama u Federaciji Bosne i Hercegovine](#)

[Pravna hronika broj 20](#)

[Pravosuđe i mediji razgovarali o provedbi Smjernica za objavljivanje sudskih i tužilačkih odluka, akata i informacija o predmetima](#)

[Praksa Evropskog suda za ljudska prava od 11. i 13. marta 2025. godine](#)



INFORMACIJE O NAJNOVIJIM PREDMETIMA ESLJP

Praksa Evropskog suda za ljudska prava od 11. i 13. marta 2025. godine

[Amirov protiv Azerbejdžana](#)

Predmet se odnosi na hapšenje i pritvor podnosioca predstavke na osnovu optužbi povezanih s njegovim navodnim pripadništvom Gülenističkom pokretu u Azerbajdžanu.

Podnosilac predstavke je osuđen za utaju poreza i izazivanje nacionalne, rasne, socijalne ili vjerske mržnje i neprijateljstva.

Povreda člana 5.1. Ek

[Aytaj Ahmadova protiv Azerbejdžana](#)

Predmet se odnosi na navodni propust domaćih vlasti da ispituju pritužbe podnositeljice predstavke, koja je novinarka, zbog objavljivanja njenih privatnih fotografija i video zapisa na Facebooku, na stranicama koje su pripadale lažnim pojedincima, uz prateće uvrede i prijetnje.

Ona navodi da su do fotografija i video snimaka došli nakon što joj je bez naloga ili naredbe suda izvršen pretres stana i privremeno oduzet kompjuter.

Povreda člana 8. Ek

[F.S.M. protiv Španije](#)

Predmet se odnosi na adekvatnost pripreme odbrane u krivičnom postupku.

Podnosilac predstavke je španski državljanin sa ograničenom poslovnom sposobnošću, koji je oglašen krivim za tri krivična djela, a kome je zahtjev za obustavu postupka, zbog poteškoća u razumijevanju krivičnog postupka odbijen.

Nema povrede člana 6. st. 1. i 3. Ek

PROČITAJ VIŠE

RAZVOJ SUDSKE PRAKSE EVROPSKOG SUDA ZA LJUDSKA PRAVA

Izveštaj Evropskog suda za ljudska prava mart - avgust 2024. godine

Izveštaji sadrže kratak sažetak predmeta i putem istog možete pristupiti odlukama

**IZVJEŠTAJ ESLJP MART-AVGUST
2024**





Zakon o zaštiti ličnih podataka

U „Službenom glasniku Bosne i Hercegovine“ broj 12/25 od 28.2.2025. godine objavljen je Zakon o zaštiti ličnih podataka, koji je usvojila Parlamentarna skupština Bosne i Hercegovine, na 16. hitnoj sjednici Predstavničkog doma, održanoj 23. januara 2025. godine, i na 8. hitnoj sjednici Doma naroda, održanoj 30. januara 2025. godine.

Početak primjene ovog Zakona prestaje važiti Zakon o zaštiti ličnih podataka ("Službeni glasnik BiH", br. 49/06, 76/11 i 89/11).

Ovaj Zakon stupa na snagu osmog dana od dana objave u "Službenom glasniku BiH", a primjenjuje se nakon isteka 210 dana od dana stupanja na snagu.

ZAKON PREUZMI

Zakon o graničnoj kontroli

U „Službenom glasniku Bosne i Hercegovine“ broj 7/25 od 14.2.2025. godine objavljen je Zakon o graničnoj kontroli, koji je usvojila Parlamentarna skupština Bosne i Hercegovine, na 15. hitnoj sjednici Predstavničkog doma, održanoj 23. januara 2025. godine, i na 7. hitnoj sjednici Doma naroda, održanoj 30. januara 2025. godine.

Ovaj zakon stupa na snagu osmog dana od dana objavljivanja u "Službenom glasniku BiH".

ZAKON PREUZMI



Zakoni FBiH - 2021/25



Zakon o gasovodu "Južna interkonekcija Bosna i Hercegovina i Republika Hrvatska"

U „Službenim novinama Federacije Bosne i Hercegovine“ broj 10/25 od 12.2.2025. godine objavljen je Zakon o gasovodu "Južna interkonekcija Bosna i Hercegovina i Republika Hrvatska" koji je usvojio Parlament Federacije Bosne i Hercegovine na sjednici Predstavničkog doma od 12.12.2024. godine i na sjednici Doma naroda od 16.01.2025. godine.

Ovaj Zakon stupa na snagu osmog dana od dana objavljivanja u "Službenim novinama Federacije BiH".

ZAKON PREUZMI

Zakon o izvršnom postupku

U „Službenim novinama Federacije Bosne i Hercegovine“ broj 19/25 od 14.3.2025. godine objavljen je Zakon o izmjenama i dopunama Zakona o izvršnom postupku koji je usvojio Parlament Federacije Bosne i Hercegovine na sjednici Predstavničkog doma od 12.12.2024. godine i na sjednici Doma naroda od 04.03.2025. godine.

Zakon o izvršnom postupku objavljen je "Službenim novinama Federacije BiH", broj 32/03, 52/03, 33/06, 39/06, 39/09, 35/12 i 46/16.

Ovaj zakon stupa na snagu osmog dana od dana objavljivanja u "Službenim novinama Federacije BiH".

ZAKON PREUZMI

Zakoni Brčko distrikta BiH - 2021/25



Zakon o porezu na dohodak

U „Službenom glasniku Brčko distrikta Bosne i Hercegovine“ broj 5/25 od 17. februara 2025. godine objavljen je Zakon o dopunama Zakona o porezu na dohodak, koji je usvojila Skupština Brčko distrikta BiH na 5. redovnoj sjednici održanoj 12. februara 2025. godine.

Zakon o porezu na dohodak objavljen je u „Službenom glasniku Brčko distrikta Bosne i Hercegovine“ broj 60/10, 14/17, 24/20, 21/22 i 45/22.

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

[ZAKON PREUZMI](#)



AKTUELNOSTI

Mapa predmeta od javnog interesa

Javnosti je od januara 2025. godine dostupna Mapa predmeta od javnog interesa koja omogućava jednostavan pristup informacijama o pravosnažno okončanim predmetima ratnih zločina i visoke korupcije. Mapu je, uz podršku Evropske unije, razvilo Visoko sudsko i tužilačko vijeće Bosne i Hercegovine (VSTV BiH) i predstavlja korak ka unapređenju transparentnosti pravosudnog sistema.

Predmeti od javnog interesa koji se trenutno pohranjuju u Mapi odnose se na predmete ratnih zločina i visoke korupcije, a namjera VSTV-a BiH je da u narednom periodu mapira i druge predmete od javnog interesa kao što su predmeti okoliša, krivičnih djela počinjenih iz mržnje, napada na novinare i drugih predmeta koji su u fokusu domaće i međunarodne javnosti.

PROČITAJ VIŠE



MAPA PREDMETA OD JAVNOG INTERESA

Mapa je dostupna putem linka:
<https://mapepredmeta.pravosudje.ba>

Finansira Evropska unija



Baza sudskih odluka

Uz podršku Evropske Unije intenziviran je unos sudskih odluka, tako da vam je dostupno novih 462 odluke iz krivične, građanske i upravne oblasti. Sa ovim unosom kroz Bazu sudskih odluka imate pristup za ukupno 28883 odluke svih sudova u Bosni i Hercegovini.

Unapređenjem novih funkcionalnosti, omogućena je copy-paste opcija preuzimanja sadržaja sudskih odluka.

U Bazi se nalaze odluke Suda Bosne i Hercegovine, Vrhovnog suda Federacije BiH, Vrhovnog suda Republike Srpske i Apelacionog suda Brčko distrikta BiH, sa vezanim odlukama iz istog predmeta. Uvid u sudske odluke navedenih sudova pruža mogućnost da se informišete o dužini trajanja, troškovima, ishodima sudskog postupka i slično.

[PROČITAJ VIŠE](#)

Časopis „Pravna hronika“

Visoko sudsko i tužilačko vijeće BiH je 4. novembra 2015. godine postalo saizdavalac časopisa „Pravna hronika“.

Časopis sadrži informacije o:

- Najznačajnijim odlukama Evropskog suda za ljudska prava i Suda Evropske unije;
- Novinama u jurisprudenciji Ustavnog suda Bosne i Hercegovine;
- Novinama u jurisprudenciji Suda Bosne i Hercegovine, vrhovnih sudova entiteta i Apelacionog suda Brčko Distrikta Bosne i Hercegovine;
- Radu panela za ujednačavanje sudske prakse;
- Novostima iz zakonodavstva.

[PROČITAJ VIŠE](#)

[PРАВНА HRONIKA BR. 20](#)





Pravosuđe i mediji razgovarali o provedbi Smjernica za objavljivanje sudskih i tužilačkih odluka, akata i informacija o predmetima

Provedba Smjernica za objavljivanje sudskih i tužilačkih odluka, akata i informacija o predmetima predstavlja dugotrajni proces koji zahtijeva saradnju između pravosudnih institucija i medija što će rezultirati pravovremenim i tačnim informisanjem javnosti o toku sudskih i tužilačkih postupaka. Ovaj zaključak usvojen je na informativnom događaju posvećenom provedbi Smjernica, koji je danas održan u Sarajevu, u organizaciji Visokog sudskog i tužilačkog vijeća Bosne i Hercegovine (VSTV BiH).

[PROČITAJ VIŠE](#)





VSTV BiH i sudovi najviše instance održali pripremni sastanak Panela za ujednačavanje sudske prakse

Dana 21.2.2025. godine u prostorijama Visokog sudskog i tužilačkog vijeća Bosne i Hercegovine održan drugi po redu pripremni sastanak Panela za ujednačavanje sudske prakse.

Sastanak je poslužio za usaglašavanje tema iz krivične, građanske i upravne oblasti, koje će biti razmatrane na sastancima Panela tokom 2025. godine, a datumi tih sastanaka su također dogovoreni, čime je osiguran jasan okvir za dalje ujednačavanje sudske prakse na nivou cijele Bosne i Hercegovine.

Cilj ovog procesa je osigurati dosljednu i jednaku primjenu zakona na cijelom teritoriju Bosne i Hercegovine.

[PROČITAJ VIŠE](#)



Finansira Evropska unija

Newsletter je pripremljen uz finansijsku podršku Evropske unije. Za njegov sadržaj isključivo odgovara Visoko sudsko i tužilačko vijeće Bosne i Hercegovine i ni u kom slučaju ne predstavlja stavove Evropske unije.



Implementira VSTV BiH